

Xaneiro 2004



ESTATUTOS

DA


"ASOCIACION

AGORA"

ANO 2003

ÍNDICE

PREÁMBULO.....



CAPÍTULO I DA ASOCIACIÓN

Artigo 1. Denominación	5
Artigo 2. Personalidade.....	5
Artigo 3. Domicilio	5
Artigo 4. Duración e ámbito	6
Artigo 5. Misión	6
Artigo 6. Principios e valores	6
Artigo 7. Fins	7
Artigo 8. Medios	8

CAPÍTULO II – DOS SOCIOS

Artigo 9. Socios	9
Artigo 10. Tipos de socios	9
Artigo 11. Socios de Honra e colaboradores	9
Artigo 12. Ingresos e baixas	10
Artigo 13. Procedemento de admisión	10
Artigo 14. Documentos de admisión	10
Artigo 15. Números de socios	10
Artigo 16. Deberes	11
Artigo 17. Dereitos	11
Artigo 18. Réxime disciplinario	12
Artigo 19. Perda da condición de socio	12

CAPÍTULO III – DOS ÓRGANOS DE GOBERNO

Artigo 20. Órganos de Goberno	13
Artigo 21. Asemblea Xeral	13
Artigo 22. Delegación	13
Artigo 23. Participación na Asemblea	13
Artigo 24. Funcións da Asemblea Xeral	14
Artigo 25. Clases de asemblea e a súa convocatoria	14
Artigo 26. Acordos da asemblea xeral	15
Artigo 27. Xunta Directiva	15
Artigo 28. Duración da Xunta Directiva.....	16
Artigo 29. Elección da Xunta Directiva	16
Artigo 30. Funcións da Xunta Directiva	17



Artigo 31. Funcionamento da Xunta Directiva	18
Artigo 32. Comisión Permanente	18
Artigo 33. Comisión de Ética	18
Artigo 34. Presidente	19
Artigo 35. Vicepresidente	20
Artigo 36. Secretario.....	20
Artigo 37. Tesoureiro	21
Artigo 38. Vocais	21

CAPÍTULO IV – DA IMPUGNACIÓN DOS ACORDOS SOCIAIS

Artigo 39. Impugnacións	22
Artigo 40. Recursos	22

CAPÍTULO V – DO RÉXIME ECONÓMICO E FINANCEIRO

Artigo 41. Recursos económicos	23
Artigo 42. Cotas	23
Artigo 43. Pago de cotas	23
Artigo 44. Orzamento	24

CAPÍTULO VI – DA MODIFICACIÓN DE ESTATUTOS

Artigo 45. Procedemento de modificación	24
---	----

CAPÍTULO VII – DA DISOLUCIÓN E LIQUIDACIÓN

Artigo 46. Disolución	25
Artigo 47. Comisión liquidadora	25
Artigo 48. Asemblea Xeral no período de liquidación.....	25
Artigo 49. Destino dos bens resultantes	25
Artigo 50. Disposición final.....	26

PREÁMBULO

No ano 1992 constitúese en Monforte de Lemos (Lugo) unha Asociación, denominada ASOCIACIÓN AGORA, cos fins e obxetivos da promoción cultural e social e integración das persoas con discapacidade.

Inscríbese no Rexistro Provincial de Asociaciós de Lugo por Resolución do 4 de marzo de 1992, co número 1.165 e na Xunta de Galicia como Entidade de Iniciativa Social co número 428-LU-063-F-01.

Para que as persoas con discapacidade do Concello de Monforte e outros concellos da zona poidan vivir con maior autonomía persoal e cunha maior integración social e laboral, a Asociación Agora crea no ano 1992 o Centro Especial de Emprego Agora, que se adica á montaxe de cableados de automoción. No ano 1995 nace o Centro Ocupacional Agora para prestar servizos de formación e promover talleres ocupacionais e prelaboráis. E no ano 2001 pon en marcha os Apartamentos Tutelados Agora para que algunas persoas discapacitadas poidan vivir con autonomía e independencia.

Igualmente no ano 1999 inaugura unha Nave Industrial no Polígono Industrial de O Reboredo de Monforte para o Centro Especial de Emprego. No 2000 estableceuse un plan de riscos laborais para todas as actividades da asociación. No 2001 construense as Aulas de Formación homologadas e no 2003 inscribeuse no Rexistro de Entidades de Acción Voluntaria da Xunta de Galicia.

Colabora dende o inicio co Centro E.P.A. de Monforte e agora co Instituto de Ensino Secundario Rio Cabe de Monforte en actividades de Ensino Permanente de Adultos para persoas discapacitadas.

E, por último, salientar que a Asociación Agora promove a participación no movemento asociativo das persoas con discapacidade. Así, é membro directo da Confederación Galega de Minusválidos (COGAMI), membro fundador da Federación Provincial de Misnusválidos de Lugo (COGAMI LUGO). E participa na Asociación que promove os Centros Especiais de Emprego Sen Ánimo de Lucro en Galicia (CEGASAL).

CAPÍTULO I DA ASOCIACIÓN



Artigo 1 Denominación

Ó amparo do artigo 22 da Constitución, polo establecido na Lei Orgánica 1/2002, do 22 de marzo, reguladora do Dereito de Asociación e pola demais lexislación existente en materia de Asociacións que lle sexa aplicable, así como polo previsto nos presentes estatutos, rexeráse a entidade denominada ASOCIACION AGORA, de agora en diante "AGORA"

AGORA é o resultado da libre vontade dos seus socios, ostentando a súa representación no ámbito comarcal.

Artigo 2 Personalidade

AGORA tén personalidade xurídica propia e independente da dos seus socios, e conforme ó artigo 35 e seguinte do Código Civil goza de plena capacidade para ser suxeito de dereitos e obrigas nos termos previstos nestes Estatutos e nas leis.

Artigo 3 Domicilio

O enderezo social de AGORA, a efectos legais, queda establecido na Rúa Carud 142, baixo. 27400 Monforte de Lemos (Lugo). Teléfono e Fax 982 410 289. E-mail agora@cogami.es.

Pode ser trasladado a outro lugar por acordo da Xunta Directiva, que poderá decidir así mesmo a apertura de delegacións noutras localidades dentro do seu ámbito de actuacións, e de outros lugares considere adecuados para o normal desenvolvemento de AGORA. O traslado definitivo do domicilio social requirirá a ratificación da Asemblea Xeral.

Artigo 4

Duración e ámbito

AGORA constitúese por tempo indefinido, agás causa legal ou estatutaria de disolución.



O ámbito territorial de AGORA é o da comarca de Monforte de Lemos (Lugo), anque, previo acordo coas entidades de ámbito superior das que é membro, poderá modificar mesmo, en atención ás necesidades do colectivo de persoas con discapacidade.

Ademais poderá pertencer e actuar con outras organizacións de ámbito provincial, autonómico, estatal e internacional.

Artigo 5

Misión

É misión de AGORA: PROMOVER E COORDENA-LA defensa dos dereitos das persoas con discapacidade cara á súa plena integración.

Artigo 6

Principios e valores

AGORA definece como unha entidade que carece expresamente de ánimo de lucro, independente e libre, aconfesional, apartidista, non gobernamental, de carácter voluntario, e poderá solicita-la súa declaración de Utilidade Pública.

AGORA basea a súa actuación nos seguintes principios e valores:

- Democracia interna.
- Solidariedade entre os seus membros.
- Transparencia na xestión e actuación da entidade e os seus socios.
- Defensa das necesidades sociais por encima de intereses particulares.
- Rexeite de protagonismos e actitudes competitivas.
- A defensa do colectivo como titulares de dereitos evitando as mensaxes sentimentalistas e asistenciais.

Manuel Borrero
Miguel Vázquez

Artigo 7

Fins

Os fins principais de AGORA son:



1. Defende-la dignidade e os dereitos das persoas con discapacidade.
2. Promove-la plena integración escolar, laboral e social das persoas con discapacidade.
3. Crea-las condicións para que os socios poidan cumplir axeitadamente coa súa misión.
4. Promover actitudes sociais positivas cara a persoa con discapacidade.
5. Promove-la lexislación axeitada que mellore a situación do colectivo.
6. Participar na orientación, coordinación e impulso do Movemento Asociativo no que estea integrado AGORA con criterios de solidariedade.
7. Reunir e difundir información xeral e especializada sobre os problemas da discapacidade.
8. Representa-los seus socios no ámbito local, provincial, autonómico, estatal e internacional
9. Desenvolver estratexias solidarias para que se poidan acadar equilibrios interterritoriais en calidade e servicios.
10. Desenvolver programas e actividades, dentro da propia discapacidade, dirixidos especificamente á atención da muller.
11. Desenvolver programas e actividades, dentro da propia discapacidade, dirixidos especificamente á atención da infancia e á xuventude.
12. Desenvolver programas e actividades, dentro da propia discapacidade, dirixidos especificamente á atención das persoas maiores.
13. Desenvolver programas e actividades, dentro da propia discapacidade, dirixidos especificamente a calquera outro colectivo en risco de exclusión social.
14. Desenvolver programas e actividades relacionados co fomento e participación do Voluntariado Social.
15. Promover e pór en funcionamento todo tipo de iniciativas deportivas para persoas con discapacidade, priorizando aquelas que impulsen o deporte de base.
16. Promover e pór en funcionamento todo tipo de iniciativas culturais, educativas e de lecer orientadas ás persoas con discapacidade.
17. Promover e pór en funcionamento todo tipo de programas de cooperación e desenvolvemento no exterior dirixidos ás persoas con discapacidade ou en risco de exclusión social.
18. Calquera outro que, de xeito directo ou indirecto, poida contribuír ó cumprimento da misión de AGORA ou redundar no beneficio das persoas con discapacidade.

Maria Dolores Viloria

Maria Dolores Viloria

Maria Dolores Viloria

Manuel Banderas

Artigo 8

Medios



Para o cumprimento da misión e dos fins, AGORA poderá:

- a) Organiza-los servicios necesarios de investigación, estudio, programación, información, asistencia técnica, xestión especializada e outros equivalentes que as circunstancias aconsellen, así como actividades, cursos e seminarios sobre diversos aspectos da discapacidade.
- b) Promover, facilitar ou utilizar tódolos medios lícitos de información, formación e difusión para dar a coñecer os problemas das persoas con discapacidade e o seu entorno.
- c) Incorporarse a federacións, confederacións, asociacións, entidades e organismos de carácter provincial, autonómico, estatal ou internacional que poidan ser de utilidade para acada-los fins de AGORA.
- d) Establecer un sistema coherente na estructuración do Movemento Asociativo.
- e) Promover o Voluntariado e a súa formación para o cumprimento dos seus fins sociais.
- f) Desenvolver actividades e iniciativas, dentro do marco legal, que permita o sostento económico do Movemento Asociativo.
- g) A integración, creación e promoción de centros educativos, ocupacionais, profesionais, residencias, vivendas tuteladas e de protección oficial ou calquera outro centro, que teña unha tipoloxía autorizada por Lei; na que primen a inserción socio - laboral das persoas con discapacidade conforme á lexislación vixente.
- h) A promoción de centros laborais, incluídos os centros especiais de emprego; participando, promovendo e creando iniciativas empresariais que primen a inserción laboral das persoas con discapacidade, en postos de traballo adaptados ás súas capacidades e en condicións de igualdade, de deberes e dereitos, cos demás traballadores, conforme á lexislación vixente en tódolos casos, priorizando:
 - a) Os Centros Especiais de Emprego dos que a titularidade maioritaria pertenza a unha asociación sen ánimo de lucro e os seus beneficios repercutan íntegramente nos propios traballadores discapacitados e/ou na labor social de dita asociación.
 - b) Os Centros Especiais de Emprego que adopten a forma xurídica de Cooperativas ou Sociedades Laborais, sempre e cando os beneficios repercutan íntegramente nos propios traballadores do Centro ou nunha asociación sen ánimo de lucro pertencente ó Movemento Asociativo.
- i) Valerse de calquera outro medio lícito que sirva para a realización dos seus fins.

CAPITULO II DOS SOCIOS

Artigo 9 Socios

AGORA constitúese como unha entidade aberta da que poden formar parte, previa aprobación prevista nos presente Estatutos, tódalas persoas que o soliciten sempre que comparten os principios e fins de AGORA na defensa da plena integración das persoas con discapacidade.

Artigo 10 Tipos de Socios

AGORA terá as seguintes clases de socios:

- a) As persoas con discapacidade maiores de idade e con capacidade de obrar que non estean suxeitos a ningunha condición legal para o exercicio do derecho.
- b) As persoas con discapacidade menores de idade, non emancipadas, de máis de catorce anos, previo consentimento, documentalmente acreditado, dos seus pais ou titores.
- c) Os pais, titores ou representantes legais en representación dos menores de idade ou incapaces.
- d) Persoas non discapacitadas que queiran exercer como socios para mellora-la vida e o benestar das persoas con discapacidade.

Artigo 11 Socios de Honra e Colaboradores

AGORA poderá ter Presidente de Honra.

Así mesmo, poderán ser nomeados socios de honra todas aquelas persoas físicas ou xurídicas que se distingan pola súa actuación a favor dos fins de AGORA e do colectivo que representa.

Os socios de honra non estarán suxeitos ás obrigas establecidas nos presentes estatutos, nin serán titulares de dereitos, agás a súa asistencia á Asemblea Xeral Ordinaria con voz pero sen voto.

Os colaboradores serán todas aquellas persoas físicas ou xurídicas que desexen colaborar de maneira desinteresada con AGORA mediante a súa participación ou mediante achegas económicas. Os colaboradores non son titulares de obrigas nin dereitos.





Artigo 12

Ingresos e baixas

O ingreso en AGORA como socio da mesma será voluntario. A baixa será voluntaria ou forzosa, por causa legal estatutaria. Toda causa de expulsión constará, debidamente acreditada, no correspondente expediente, que non poderá ser resolto sen a audiencia da parte interesada.

Artigo 13

Procedemento de admisión

O procedemento de admisión dos socios será:

- O procedemento de admisión será por solicitude escrita ou comunicación do interesado dirixida ó Presidente.
- Presentación da documentación esixida.

Artigo 14

Documentos de admisión

Documentación a presentar pola persoa que queira facerse socio:

- Copia DNI.
- Copia do Certificado de Minusvalía.
- Copia da resolución xudicial da designación de Titor legal.
- Autorización expresa de pais ou titores.

A Xunta directiva poderá solicita-la ampliación da documentación que considere necesaria.

Artigo 15

Número de socios

Non se establece un numero máximo de socios de AGORA.

Artigo 16

Deberes

- 1) Actuar de maneira acorde cos valores de AGORA e respecta-la dignidade e dereitos das persoas con discapacidade.
- 2) Acata-los acordos válidamente adoptados polos órganos de representación de AGORA.
- 3) Asistir ás Asembleas Xerais.
- 4) Aportar tódala documentación requirida pola Xunta Directiva
- 5) Contribuir ó sostemento de AGORA, aportando os medios necesarios dacordo co establecido pola Asemblea Xeral ou a Xunta Directiva.
- 6) Manter absoluto secreto sobre os datos que coñecera como consecuencia da información adquirida en AGORA.
- 7) Cumpli-lo resto das obrigas que resulten das disposicións estatutarias.

Artigo 17

Dereitos

- A) A participar nas actividades da Asociación e nos órganos de governo e representación, a exerce-lo dereito de voto, así como asistir á Asemblea Xeral, de acordo cos Estatutos.
- B) A ser informado acerca da composición dos órganos de governo e representación da Asociación, do seu estado de contas e do desenvolvemento da súa actividade.
- C) Participar nos programas e iniciativas que sexan impulsados ou coordenados por AGORA, nas condicións que establezan os seus órganos de governo.
- D) Utiliza-los servicios de toda índole que se creen en AGORA.
- E) A acceder a toda a documentación da Asociación nos termos previstos na Lei Organica 15/1999 de protección de datos persoais
- F) A ser apoiados por AGORA nas iniciativas que se crean oportunas.
- G) A impugna-los acordos dos órganos da Asociación que estime contrarios á Lei ou ós Estatutos
- H) A ter copia destes estatutos
- I) A recibir información sobre os acordos adoptados polos órganos da Asociación.
- J) A ser oído con carácter previo á adopción de medidas disciplinarias contra el; a ser informado dos feitos que dean lugar a tales medidas. A posible sanción, en todo caso, deberá ser motivada.



M. Valores Valores

Anne Fernández



Artigo 18 Réxime disciplinario

A proposta da Xunta Directiva, a Asemblea Xeral de AGORA, establecerá un Réxime Disciplinario que regule o procedemento e as sancións que se poidan impór ós socios que vulneren os presentes Estatutos e as decisións dos órganos de goberno.

Artigo 19 Perda da Condición de socio

Poderá perderse a condición de Socio de AGORA por:

- a) Decisión Voluntaria, manifestada por escrito.
- b) Por causa ou disposición legal.
- c) Por expulsión, a causa de:
 - Incumprimento grave do previsto nos presentes Estatutos.
 - Reiterado incumprimento dos acordos adoptados polos Órganos de Goberno.
 - Desenvolver unha actuación prexudicial e grave para os intereses de AGORA.
 - Non pór a disposición de AGORA a información ou documentación requirida polos Órganos de Goberno.
 - Utilizar medios, para a obtención de fondos, que atenten contra a dignidade das persoas con discapacidade, ou non permitan o control da recadación, custos e destino dos beneficios obtidos.

A expulsión como socio de AGORA só poderá producirse previa audiencia do interesado e terá efectos definitivos a partir do momento no que se produza o acordo por parte da Asemblea Xeral levando aparellada a perda de todos os dereitos derivados da condición de socio.

CAPÍTULO III DOS ÓRGANOS DE GOBIERNO



Artigo 20 Órganos de Goberno

AGORA rexérase polo sistema de autogoberno e o principio de representación, a través dos seguintes órganos:

- Asemblea Xeral
- Xunta Directiva

Artigo 21 Asemblea Xeral

A Asemblea Xeral é o máximo órgano de goberno de AGORA e estará integrada por:

- Os socios de AGORA con voz e voto.
- Tódalas persoas compoñentes da Xunta Directiva da Asociación . O Presidente e o Secretario da Xunta Directiva o serán da Asemblea Xeral.

Artigo 22 Delegación

A asistencia e participación na Asemblea Xeral son indelegables, agás que unha asemblea extraordinaria convocada ó efecto, estableza un réxime distinto.

Artigo 23 Participación na Asemblea

- Tódolos socios de AGORA terán dereito a voz e voto.
- Non poderán ser membros da Asemblea Xeral todas aquelas persoas que directamente, ou indirectamente mediante o seu cónxuge ou relación análoga, parentes por consanguinidade ou afinidade ata o segundo grao inclusive, estean relacionadas con Centros Especiais de Emprego con Ánimo de Lucro ou calquera outra actividade profesional, empresarial ou industrial que poidese dar lugar a un conflicto de intereses.
- Poderán asistir ás reunións da Asemblea, previo acordo da Xunta Directiva, con voz e sen voto, e a título de invitados, todas aquelas persoas que se considere poidan aportar xuízos ou informacions técnicas útiles e importantes para as decisións deste órgano.

Artigo 24

Funcións da Asemblea Xeral

Serán funcións da Asemblea Xeral:

1. Coñecer e aproba-los Plans de Actuación de AGORA.
2. Aproba-los orzamentos de ingresos e gastos, de cada exercicio, a conta de liquidación de tales orzamentos e a disposición de bens. Así mesmo, examinar e, no seu caso, aproba-lo balance de situación de cada exercicio.
3. Fixar, a proposta da Xunta Directiva, as cotas de calquera tipo que deban aboa-los diversos socios.
4. Examinar e, no seu caso, aproba-la Memoria que cada ano deberá presenta-la Xunta Directiva.
5. Establece-lo réxime disciplinario.
6. Adoptar resolución sobre os asuntos que figuren na Orden do Día ou que se susciten co apoio dos dous tercios dos votos presentes.
7. Aproba-la modificación de Estatutos.
8. Ratifica-la expulsión de socios de AGORA.
9. Ratifica-la composición da Xunta Directiva de acordo co previsto nestes Estatutos.
10. Dirimir toda diferencia ou discrepancia que xurda entre un ou máis socios e calquera órgano de AGORA , como igualmente as cuestións que xurdan sobre a interpretación destes Estatutos ou dos acordos adoptados polos distintos órganos de AGORA.
11. Acorda-la disolución de AGORA.

Artigo 25

Clases de Asemblea e convocatoria

A Asemblea Xeral reuniráse ordinariamente, durante o primeiro semestre de cada ano, e extraordinariamente sempre que o acorde a Xunta Directiva ou o soliciten un mínimo do 25 por cento dos socios de AGORA. Neste caso deberá convocarse no prazo máximo dun mes.

Na convocatoria constará, en todo caso, a orde do día acordada pola Xunta Directiva na que, no seu caso, deberán incluirse tódolos asuntos propostos polo 25 por cento dos socios que solicitaran a asemblea. A convocatoria comunicarase ós socios de AGORA cunha antelación mínima de quince días, por correo ordinario.





Artigo 26 Acordos da Asemblea Xeral

A Asemblea Xeral quedará válidamente constituída, en primeira convocatoria, cando concorran na mesma a metade máis un dos seus socios e, en segunda convocatoria, calquera que sexa o número de socios asistentes. Entre a primeira e segunda convocatoria deberán mediar, como mínimo, media hora.

Os acordos adoptaránse por maioría de votos. Os acordos relativos á disposición ou enaxenación de bens inmobles, modificación de estatutos e disolución de AGORA, requirirán a celebración de Asemblea Xeral Extraordinaria e os acordos, para ser válidos, deberán ter, polo menos, o voto favorable dos dous tercios dos votos asistentes.

De toda a Asemblea Xeral levantarase acta no libro correspondente e nela faráse consta-lo número dos asistentes, os asuntos tratados e os acordos adoptados, indicando os votos a favor, en contra, abstencións e votos en branco e particulares. Para que os acordos sexan firmes e executivos, a acta deberá estar subscrita polo Secretario e o Presidente.

As certificacións de tales actas, así como os testemuños dos acordos nelas contidos expediránse, cando proceda, coa firma do Secretario e o visto bo do Presidente.

Artigo 27 Xunta Directiva

A Xunta Directiva é o órgano de administración, xestión e representación de AGORA e estará composta polos seguintes membros:

- Presidente/a
- Vicepresidente/a
- Secretario/a
- Tesoureiro/a
- Vocais, nun número nunca inferior a catro (4).

Para ser membro da Xunta Directiva é requisito indispensable a acreditación da súa condición de socio. Así mesmo deberán cumplir-los requisitos esixidos para ser membro da Asemblea Xeral.

Os cargos da Xunta Directiva serán gratuitos, sen prexuízo dodereito a ser indemnizados polos gastos que lles ocasionen o cumprimento das súas funcións, previa aprobación dos mesmos e xustificación documental.

Tódolos membros da Xunta Directiva terán voz e voto neste órgano, non podendo exercer votos delegados. En caso de empate nas votacións, o Presidente poderá exercer un voto de calidade.



Artigo 28

Duración da Xunta Directiva

- Os componentes da Xunta Directiva serán elixidos por un período de tres anos.
- Se se produce a metade máis un de baixas na Xunta Directiva, esta deberá convocar inmediatamente Asemblea Xeral Extraordinaria para proceder a cubri-las vacantes producidas.
- Mientras o número de baixas non sexa inferior a metade máis un, os membros cesantes, serán reemplazados na primeira Asemblea Xeral Ordinaria ou Extraordinaria, mientras tanto as vacantes poderán ser cubertas provisionalmente por designación da Xunta Directiva.

Artigo 29

Elección da Xunta Directiva

A elección e nomeamento da Xunta Directiva realizaráse en Asemblea Xeral Extraordinaria convocada ó efecto:

A composición das candidaturas estarán constituídas alomenos nun 75 por cento por persoas con discapacidade ou representantes legais.

As candidaturas serán presentadas en listas pechadas e elixidas por maioría absoluta. No caso de presentarse máis dunha candidatura, será elixida a máis votada.

As votacións serán secretas con papeletas, a non ser que a maioría dos asistentes da Asemblea solicite o voto a man alzada.

Os cargos da Xunta Directiva serán nomeados e ratificados na mesma Asemblea.

Artigo 30

Funcións da Xunta Directiva

Corresponde á Xunta Directiva:

- 1) Executa-la política de AGORA e os acordos adoptados na Asemblea Xeral.
- 2) Administra-lo patrimonio de AGORA.
- 3) Decidir sobre a realización de programas que vaian a ser executados ou coordinados dende AGORA.
- 4) Admiti-los socios que soliciten a admisión en AGORA e acorda-la suspensión temporal dos dereitos dun socio.
- 5) Determina-la orde do día da Asemblea Xeral.
- 6) Cubrir, con carácter provisional, as vacantes que se produzcan na Xunta Directiva.
- 7) Nomear presidente e socios de honra, así como admiti-los colaboradores.
- 8) Facultar, por medio de poderes ás persoas que estime axeitado.
- 9) Preparar cants documentos deban ser aprobados pola Asemblea Xeral.
- 10) Plantexar ou decidir sobre calquera asunto de competencia e interese de AGORA e que non estea reservado legal ou estatutariamente á Asemblea Xeral.
- 11) En xeral, todas aquelas actividades ou acordos que redunden no beneficio de AGORA dos que deberá dar conta á Asemblea.
- 12) Resolver, na arbitraxe de equidade ou por mediación, as controversias que poidan existir entre os socios de AGORA. Esta actuación poderá ser efectuada por sí ou por delegación, designando unha comisión a tal efecto, que poderá estar integrada por persoas que non formen parte da Xunta Directiva.
- 13) Interpreta-los presentes Estatutos.



*M. Dolores Vilaino
M. Sánchez M. Gómez
M. Encantina Fernández*



Artigo 31 Funcionamento da Xunta Directiva

A Xunta Directiva reuniráse, alomenos, unha vez cada trimestre ou cando o decida o seu Presidente por si ou a petición do vinte por cento dos seus componentes.

O cargo de directivo osténtase a título persoal, polo que, cando non sexa posible a asistencia, só poderá delegarse a representación noutro membro da Xunta Directiva no caso da asistencia a actos da entidade.

A convocatoria das sesións, que comprenderá en todo caso a orde do día correspondente, será feita polo Presidente da Xunta Directiva ou persoa en quen delegue, coa antelación mínima de sete días salvo caso de especial urxencia. A composición da orde do día das sesións corresponderá ó Presidente, a proposta do Secretario, quen terá en conta, no seu caso, as peticións dos demais membros.

Cando o estime oportuno a Xunta Directiva ou o Presidente, poderán acudir á reunión da mesma persoas non pertencentes a ela con carácter de asesores.

Artigo 32 Comisión Permanente

Poderá crearse unha comisión permanente que terá a misión de exercer cotidianamente e de maneira máis ágil o goberno de AGORA. A composición da mesma será establecida por acordo da Xunta Directiva.

Artigo 33 Comisión de Ética

Crearáse unha Comisión de Ética composta por persoas pertencentes ou non a AGORA, designadas por la Xunta Directiva.

Terá como finalidade a de velar para que as actuacións, tanto de AGORA, como as dos seus socios a título individual sexan éticas, non irregulares e lícitas (eliminación de prácticas comisionistas, dobres financiamentos ou financiamentos irregulares, etc). Esta comisión non terá carácter executivo.



Artigo 34 Presidente

Son funcións do Presidente:

1. Representar oficialmente a AGORA.
2. Convocar e presidi-las reunións da Asemblea Xeral e da Xunta Directiva.
3. Nomear a calquera persoa como Asesor, que serán ratificados pola Xunta Directiva, e de asignarlle as tarefas axeitadas e coa obriga de informar á Xunta Directiva, das recomendacións e informes deses asesores. As resolucións de calquera asesor non son vinculantes en ningún caso.
4. Permitir ou non, a presencia de invitados nas reunións da Xunta Directiva e nas Asembleas Xerais, tanto Ordinarias como Extraordinarias.
5. Ordena-los pagos con cargo ós fondos de AGORA. Leva a sinatura social conjuntamente co Secretario ou o Tesoureiro.
6. A retirada dos fondos de AGORA depositados en entidades bancarias para o que precisará a sinatura do Secretario ou do Tesoureiro.
7. Autorizar coa súa firma as actas das reunións da Asemblea Xeral e a Xunta Directiva.
8. Velar pola execución dos acordos adoptados na Asemblea Xeral e na Xunta Directiva.
9. Subsribir contratos en nome de AGORA, outorgar poderes a terceiros, exercitar accións e opór excepcións diante dos órganos da xurisdicción ordinaria e especial, aceptar doazóns, legados e herdanças, aceptar endosos, recibir subvencións e realizar calquera outro acto equivalente de interese ós fins de AGORA.
10. Coidar do debido cumprimento dos Estatutos, dos fins e principios de AGORA.
11. Calquera outro de interese para a execución dos Estatutos.

Mrs. Dolores Vilasino
M. Jose Benito
Juan Benito

Artigo 35

Vicepresidente

O Vicepresidente substituirá temporalmente ó Presidente nos casos de ausencia por enfermedade.



Así mesmo poderá asumir todas aquellas funcións do Presidente que este delegue expresamente nel.

No caso de substitución definitiva, esta sería ós efectos tan só de convocatoria de novas eleccións; establecida para un período de tres meses.

Artigo 36

Secretario

As funcións do Secretario son:

- Custodia-los libros, documentos e selo de AGORA, agás excepto os libros de contabilidade.
- Leva-lo Libro de Rexistro de Socios.
- Redacta-las actas das Asembleas Xerais e da Xunta Directiva.
- Librar certificacións con referencia ós Libros e documentos de AGORA co visto e prace do Presidente.
- Constituir e retira-los depósitos, abrir contas e retira-los fondos, sendo necesaria a sinatura do Presidente.
- Prepara-los puntos que teñen que tratarse nas Asembleas Xerais, enviaránse as Actas e a Orde do Día con quince días de antelación como mínimo.
- Responsabilizarse, xunto co Presidente, do debido cumprimento dos Estatutos e dos fins e principios de AGORA.
- A organización dos servicios técnicos de AGORA.
- Impulso e control do funcionamento de AGORA.
- A representación xurídica diante de todo tipo de instancias públicas e privadas, e de carácter administrativo e xudicial, por delegación do Presidente.
- Responsabilizaráse de arquivos, ficheiros, así como do bo funcionamento das tarefas administrativas, en xeral, de AGORA.



Artigo 37 Tesoureiro

As funcións do Tesoureiro son:

1. Custodiar e levar os libros de Contabilidade.
2. Comunicar inmediatamente á Xunta Directiva o incumprimento ou irregularidades que se poidan producir nos cobros, pagamentos e, en xeral, na xestión económica de AGORA.
3. Custodia-los fondos de AGORA, respondendo das cantidades das que se fixera cargo, conservando na caixa os fondos que a Xunta Directiva estime necesarios para o normal desenvolvemento de AGORA. Para dispón dos fondos de AGORA, necesitará da sinatura do Presidente.
4. Faráse cargo das cantidades que se ingresen en AGORA, arquivando os libramientos que se fagan efectivos cos seus xustificantes.
5. Constituir e retira-los depósitos, abrir contas e retira-los fondos, sendo necesario a sinatura do Presidente.
6. Elaborará os presupostos anuais e fará previsións de futuro.
7. Cobrará as cotas dos socios.
8. Solicitará as subvencións oficiais, públicas ou non, que se acorden periódicamente.

Artigo 38 Vocais

As funcións dos vocais son:

1. Asistir ás reunións da Xunta Directiva.
2. Ostenta-la representación da Xunta Directiva nas comisións que se poidan formar para cumpri-los fins que marcan os Estatutos.



CAPÍTULO IV DA IMPUGNACIÓN DOS ACORDOS SOCIAIS

Artigo 39 Impugnacións

1. As impugnacións que se formulen respecto das convocatorias, tanto da Asemblea Xeral como da Xunta Directiva de AGORA, poderán realizarse con carácter previo a estas cando se trate de cuestións relacionadas coa propia convocatoria ou coa competencia dos asuntos propostos na orde do día e, salvo que o Presidente estime a existencia de errores ou vicios que poidan motivala anulación da convocatoria, deberán ser resoltas ó comezo da reunión.
2. Os acordos da Xunta Directiva poderán ser impugnados diante da mesma no prazo máximo de quince días dende que tiveran coñecemento de dito acordo os ausentes na reunión. Aqueles que estiveran presentes disporán do mesmo prazo sempre e cando salvaran expresamente o seu voto.
3. Sen prexuízo das impugnacións, os acordos da Asemblea Xeral e da Xunta Directiva son executivos salvo que ditos órganos acorden a súa suspensión.

Artigo 40 Recursos

1. Os acordos adoptados na Xunta Directiva resolvendo impugnacións poderán ser recorribles diante da Asemblea Xeral no prazo de quince días.
2. A impugnación dos acordos da Asemblea Xeral, incluídos os que resolvan impugnacións de acordos da Xunta Directiva substanciaránse diante dos tribunais da xurisdicción ordinaria na forma e prazos que a Lei determina.

CAPÍTULO V DO RÉXIME ECONÓMICO E FINANCEIRO

Artigo 41 Recursos económicos



Para atender ós seus fins, AGORA contará cos recursos seguintes:

1. As cotas que satisfagan os socios, se se establecen.
2. As subvencións, doazóns, donativos, legados e herdanzas que se fagan a favor da mesma.
3. Os bens propios, móveis e inmóveis.
4. O rendemento do seu patrimonio.
5. Calquera outra achega que obteña para ser destinada ó cumprimento dos seus fins
6. O capital fundacional de AGORA é a suma de cento cincuenta euros con vintecinco céntimos (150,25 €), e o presuposto anual non será menor de tres mil euros (3.000 €).

Artigo 42 Cotas

As cotas serán das seguintes clases:

- a) Ordinaria anual, que será satisfeita na proporción que estableza a Xunta Directiva.
- b) Extraordinaria, na que a conta e condicións serán fixadas pola Asemblea Xeral cando as circunstancias o requiran.

Artigo 43 Pago de cotas

As cotas deberán ser aboadas no prazo dun mes a partir da aprobación do orzamento anual correspondente, ou ó termina-lo prazo fixado cando foran extraordinarias.

A Xunta Directiva poderá acordar medidas disciplinarias para os socios que, nos prazos previstos no parágrafo anterior, e sen causa xustificada non aboaran as cotas. Así mesmo, quen á celebración da Asemblea Xeral non aboara a cota correspondente ó ano anterior, perderá o seu dereito a voto na mesma. A persistencia na falta de pago das cotas poderá ser causa de expulsión.

Nembargantes, a Xunta Directiva poderá outorgar moratorias ou dispensa-lo pago total ou parcial das cotas fixadas nos casos nos que as circunstancias o aconsellen, comunicándose tal decisión á inmediata Asemblea Xeral que se celebre.



Artigo 44 Orzamento

AGORA funcionará en réxime de orzamento anual. O borrador de orzamento será elaborado polo Tesoureiro-a, que deberá telo preparado antes do un de xaneiro de cada ano, a fin de que poida ser aprobado na Asemblea Xeral Ordinaria. O exercicio económico coincidirá co ano natural.

Anualmente con referencia ó ultimo día do exercicio económico de cada ano, elaboraránse as contas, que se formalizarán nunha memoria, que será posta a disposición dos socios, durante un prazo non inferior a 15 días ó sinalado para a celebración da Asemblea Xeral ordinaria, que deberá aprobalo ou censuralo.

CAPÍTULO VI DA MODIFICACIÓN DE ESTATUTOS

Artigo 45 Procedemento de modificación

Os Estatutos de AGORA só poderán ser modificados previo acordo da Asemblea Xeral, convocada con carácter Extraordinario, por decisión da Xunta directiva ou a proposta da maioria dos socios, mediante escrito razoadoo dirixido á Xunta Directiva

O acordo da Asemblea Xeral Extraordinaria deberá ser adoptado por maioria dos dous tercios dos socios presentes e representados.

Ms. Valdés Vilasino

Manuel Benítez

CAPITULO VII

DA DISOLUCIÓN E LIQUIDACIÓN



Artigo 46

Disolución

AGORA poderá disolverse por unha das seguintes causas

- a) Polas causas determinadas no artigo 39 do Código Civil.
- b) Por sentencia xudicial firme.
- c) Por vontade dos dous tercios dos socios manifestada na Asemblea Xeral Extraordinaria convocada ó efecto.

Artigo 47

Comisión liquidadora

Acordada a disolución de AGORA pola Asemblea Xeral ou decidida, no seu caso, pola autoridade xudicial, a Xunta Directiva, constituída en Comisión Liquidadora, procederá á liquidación do patrimonio de AGORA.

A Xunta Directiva poderá delegar a súa función en tres ou más comisarios elixidos pola mesma entre os socios.

Artigo 48

Asemblea Xeral no período de liquidación

Durante o período de liquidación, a Asemblea Xeral conservará a plenitude de poderes e facultades que tiña con anterioridade ó acordo de disolución

Artigo 49

Destino dos bens resultantes

No caso de disolución definitiva, liquidadas tódalas obrigas pendentes que sexan de AGORA, o sobrante de fondos que resultase pasarán a formar parte do patrimonio da Confederación Galega de Minusválidos (CoGaMi) que poderá ceder en uso a aquelas entidades sen ánimo de lucro de persoas con discapacidade do País Galego que defendan os principios fundamentais destes Estatutos.



Artigo 50

Disposición final

Os presentes estatutos derogan os Estatutos da Asociación Agora, de data do 28 de Xuño de 1999, en virtude do acordo adoptado na Asemblea Xeral Extraordinaria celebrada en Monforte de Lemos o día 8 de Novembro de 2003.

Vº Bº. O Presidente

Asdo. Manuel Barreiro Conde

O Secretario

Asdo.: Xosé Calros Vila González

ON DE PROMOCIÓN CULTURAL E SOCIAL
INTTEGRACION DE MINUSVALIDOS
C.I.F.: G-27150620
C/ Carud, 142 - bajo • Apdo, 131
27400 MONFORTE (Lugo)

A Tesoureira

Asdo.: Maria Dolores Vilariño Maceda

VISADO:

Por resolución de esta delegación provincial, de fecha 7 de enero de 2004, se acordó el sellado y visado de los presentes estatutos de la entidad denominada **ASOCIACIÓN "AGORA"**, de Monforte de Lemos, inscrita por Resolución de 4/03/1992, adaptados a la L.O. 1/2002, de 22 de marzo, por acuerdo de la asamblea general extraordinaria celebrada al efecto el día 8 de noviembre de 2003. La referida asociación se halla inscrita en el registro provincial de asociaciones con el número 1992/001165 de la sección primera.

